



Universitätsbibliothek Paderborn

**D. Petri Chrysologi Archiepiscopi Ravennatis, viri
eruditissimi atque sanctissimi, Sermones In Evangelia De
Dominicis & festis aliquot solemnioribus totius anni,
insignes & peruetusti**

Petrus <Chrysologus>

Lvgdvni, 1623

De parabola centum ouium, Sermo CLXVIII.

[urn:nbn:de:hbz:466:1-50232](#)

Sicut umbra cum declinat sublatus sum , & excusus sum sicut locustæ, genua mea infirmata sunt præ ieiunio, & caro mea immutata est propter misericordiæ. Audis quemadmodum de peccato in pœnitentiam excusus est ut locusta , & curuauit genua ut pœnitentiæ pondera baiularet: & adiicitur mellis cibus, ut amara pœnitentiæ dulcis misericordia temperaret.

De parabola centum ouium, Sermo C L X V I I I .

Luc. 15. **S**icut profunda maris ingredi, & liquentis viæ calles inuios transmeare artifex viator inuenit: ita de Dei dictis aliquid audire , & ad diuini sensus penetrare secretum dedit & docuit lex diuina. Hinc est quod ratem nostræ mentis carnis à littore soluentes in pelagus Euangelici sermonis intramus , credentes quod flante Spiritu sancto cœlestis intelligentiæ perueniamus ad portum. Dominus noster hodie spem peccatorum promouit ad veniā, & superborum murmur piissimo compressit exemplo. Erant , inquit, appropinquantes domino publicani & peccatores, ut audirent illum : & murmurabant Pharisæi & Scribe dicentes, quia hic peccatores recipit & manducat cum illis. Non minus inuidi , quam superbi malitiam de dominica bonitate capiebant : de pietate Dei impij reddebantur , fiebant de Christi miseratione crudeles , sumebant de cœlesti curatione languorem , & pœnitentium veniam vertebant iudicis in reatum. *Peccatores recipit, & manducat cum illis.* Sic videt inuidus , sic superbus sentit : auarus sic sapit, intelligit sic malignus. *Peccatores recipit.* Non dicunt uscipit. Quid amiserat , qui recipit ? Donat culpas , iram vertit in gaudium , dolem mutat in gratiam , quicunque inuenit quod amisit. *Peccatores recipit.* Recipit peccatores Deus , sed Deus peccatores esse non sinit, quos recipit: peccator Deum

Deum non violat appropinquans, Deus peccatorem sanctificat cum propinquat. Pharise, Christus peccata non recipit cum recipit peccatorem: quia Deus non criminis sed hominis est receptor. Vnde Pharisæus non quales venerant, sed quales redibant videre debuit peccatores. Certe Paulum quem persecutorem miserant, prædicatorem vidcant mox reddisse. Sed iam Deus gaudium suum de reditu peccatoris comparatione qua,qua similitudine insinuet, audiamus. *Et ait ad illos parabolam: Quis ex vobis homo qui habet centum oves, & si perdiderit ex eis unam, nonne dimittit nonaginta nouem in deserto, & vadit ad illam quæ perierat, donec inueniat eam? Et cum inuenierit eam, imponit super humeros suos gaudens: & veniens domum conuocat amicos & vicinos, dicens illis: Congratulamini mihi, quia inueni ouem meam quæ perierat. Ita dico vobis, gaudium erit in cœlis super uno peccatore pœnitentiam agente, quam super nonaginta nouem iustis, qui non indigent pœnitentia.* Semper quidem cum perdita reperimus, nouum capimus cumulum gaudiorum, & est iucundius nobis inuenisse perdita, quam nō perdidisse seruata. Sed hæc parabola plus diuinæ pietatis, quam consuetudinis humanæ loquitur, & exprimit veritatem. Magna relinquere, amare minora Dei potestatis est, non est cupiditatis humanæ, quia Deus & quæ non sunt, facit esse: & perdita sic sequitur, vt teneat quæ reliquit: & amissa sic inuenit, vt quæ seruata sunt nō amittat. Ergo non terrenus pastor iste est, sed coelestis, & parabola hæc tota nō figurata est laboribus humanis, sed diuinis est obumbrata mysteriis: sicut ex ipso numero mox lucefecit, cum dicit: *Quis ex vobis homo qui habet centum oves, & si perdiderit ex eis unam. Quare non quinquaginta, quare non ducentas, sed centum? quare non quatuor, quare non quinque, sed unam?*

Nn 4

Vt

Vt ostenderet non ex danno fuisse , sed ex numero plus dolorum. Namque amissio vnius totum dissipauerat centenarium numerum , & totum de dextera redegerat ad sinistram , vt dispendio vnius & sinistra clauderet omnes , & dextera nil haberet. Nonagesimus & nonus numerus , in sinistra latet clausus, constrictus hæret , tenetur oppressus : qui tamen ubi v-nus perceperit & senserit augmentum , mox dexteræ transit ad palmam , mox centenarij numeri peruenit ad coronam , & si non habuisset centenarium numerum doloris est , cuius doloris est perdidisse? Videtis quia per vnius ouis amissionem pastor iste totum gregem cecidisse de dextera , & totum in sinistram doluerat recidisse , & ideo relictis nonaginta nouem , vnam sequitur , vnam quærerit , vt inueniret in vna omnes , redintegraret omnes in vna. Sed iam cœlestis parabolæ pandamus secretum. Homo habens oues centum Christus est. Pastor bonus , pastor pius , qui in vna oue , hoc est in Adam , posuerat totum gregem generis humani , hanc inter amœnā Paradisi , hanc in regione vitalis pascuæ collocarat: sed illa vocem pastoris obliita dum lupinis v'lularibus credit , & caulas perdidit salutares , & tota lethalibus sauciata vulneribus. Hanc ergo Christus veniens quærere in mundum , in vtero virgineæ regionis inuenit. Venit suæ nativitatis in carne , & in crucem leuans humeris suæ imposuit passionis , & gaudens toto resurrectionis gaudio per ascensum ad cœlestem tulit & pertulit mansionem. *Et vocavit amicos & vicinos.* Hoc est Angelos. *Dicens illis : Congratulamini mibi , quia inueni ouem meam quæ perierat.* Cōgratulantur & congaudent Christo Angeli super ouis Dominicæ reditu , nec indignantur in toto sibi præsidere solio maiestatis , quia de cœlestibus inuidia cum diabolo fuerat iam fugata: nec
pote.

poterat per agnum qui peccatum mundi tulerat in superna , amplius inuidiae penetrare peccatum. Fratres , ille nos quæsuit in terra , nos illum quæramus in cœlis: ille nos portauit suæ diuinitatis ad gloriam, nos illum sanctitate tota nostro porteinus in corpore. Glorificate , inquit , Apostolus , & portate Deum in *1.Cor. 6.*
corpore vestro. Ille Deum in corpore suo portat, qui nullum portat in suæ carnis operatione peccatum.

De parabola drachmæ perdite, Sermo CLXIX.

Per omnes Euangelicas lectiones latere mysticos sensus & cœlestis intelligentiæ manere secreta, norunt soli quicunque diuini spiritus gratiam perceperem. Ecce posteaquam pastor supernus perditam centenarij gregis ouem perquisiuit, inuenit : & angelorum lætitiam totam cœleste iam retulit ad ouile, mulier Euangelica producitur in figuram , quæ lumine accenso de decem drachmis vnam drachmam perditam sic requirit, ut inuenta hac de lucro suo, de suo gaudio , causam pariat cœlestium gaudiorum, sic enim dicit: *Aut quæ mulier habens drachmas decem si perdididerit drachmam vnam , non accendit lucernam, & euerrit domum , & querit diligenter , donec inueniat ? Et cum inuenierit , conuocat amicas & vicinas , dicens : Congratulamini mihi , quia inueni drachmam quam perdidideram. Ita dico vobis , gaudium erit coram Angelis Dei super uno peccatore pœnitentiam agentem.* Putasne mulier ista , communis est . aut habuisse eam decem drachmas humano putatur excessu , aut vnam casu creditur perdidisse mundano , aut simpliciter contigit quod eam nocturno requirit in tempore , aut lucernam de nostri usus more succendit , aut consuecum quod eam perdidit & inuenit intra domum , aut familiare , quod amicas ad lætitiam conuocat & vici-

Luc. 15.

N n s